



Bolokela hosane



Mantswe a sebediswang haholo (ikgopotse)

feela, maswabi

Mantswe a sebediswang haholo

bokella

tantsha

ditholwana

Medumo (ikgopotse)

kg, ng, th, tl, ts

Medumo

hl (hlabula, ohle, fihla)

ny (nonyana, mokunyane, kokonyana, dikokonyana)

oo (poone, dithootse, sootho)



Dibuka tsa Mophato wa Motheo tse
theoseditsweng boemong bo tlase

Di phatlaladitswe ka 2012 ke Molteno Institute for Language and Literacy

E thehilwe ho ya ka dibuka tse tshheditsweng
ka ditjhelete ke Zenex Foundation



★★★★ Bolokela hosane

- Mohlophisi: **Jenny Katz**
- Baqapi ba pale: **Jenny Katz le Mirna Lawrence**
- Mosebetsi: **Jenny Katz**
- Setsebi sa puo ya Sesotho: **Mmasibidi Setaka**
- Seakanyi: **Sandy Campbell**
- Boakanyi le boqapi: **Resolution**



Creative Commons Attribution-
NonCommercial-NoDerivatives (CC
BY-NC-ND) 4.0 International Licence

© 2012 Molteno Institute for Language and Literacy



Disclaimer: You are free to download and
share this work as long as you attribute the
Molteno Institute for Language and Literacy,
but you may not change this work in any way
or use it commercially.

ISBN 978-1-77580-067-5

Bolokela hosane

E thehilwe paleng ya Aesopa ya
“Kokonyana le Tsie”

*Ho na le nako ya ho sebetsa
hape ho na le nako ya ho bapala*





Ka hodima thaba ho ne ho dula nonyana,
mokunyane, sekgo, kokonyana le tsie.

Hlabula kokonyana e ne e sebetsa, e
bokella poone e e isa ha yona.

Tsie e qeta matsatsi ohle e thabile, e
bapala e bina e tantsha.




Nonyana ya bona kokonyana e sebetsa.
'O etsa eng?' ya botsa.

Kokonyana ya araba ya re, 'Ke bokella
poone bakeng sa mariha.'

Ya ba nonyana e qala ho bokella
ditholwana le dithootse.





Mokunyane wa bona kokonyana e sebeta. 'O etsa eng?' wa botsa.

Kokonyana ya araba ya re, 'Ke bokella poone bakeng sa mariha.'

Ya ba mokunyane o qala ho bokella diboko.





Sekgo sa bona kokonyana e sebetsa.
'O etsa eng?' sa botsa.

Kokonyana ya araba ya re, 'Ke bokella
poone bakeng sa mariha.'

Ya ba sekgo se qala ho bokella dikokonyana.



Tsie ya bona
kokonyana e
sebetsa.

‘O etsa eng?’
ya botsa.

Kokonyana ya
araba ya re,
‘Ke bokella poone
bakeng sa mariha.’



Tsie ya nahana
hore hona ke
mohopolo o mobe.

‘Hobaneng o kgetha
ho sebetsa ka thata
ha o ka be o
bapala o bina o
tantsha?’



Mariha a fihla. Dimela koafela tsa ba sootho. Moya wa bata haholo.

Nonyana, mokunyane, sekgo le kokonyana ba ne ba thabile. Ba na le dijo.

Feela tsie e ne e se na dijo. Ya qala ho lapa.



Tsie ya kopa kokonyana dijo.

Kokonyana ya mo hopotsa ya re, 'Feela ha o a sebeta! Seo o neng o se etsa e ne e le ho bapala, ho bina le ho tantsha.'

'Ke maswabi,' ho bua tsie. 'Ke tla sebeta ka thata ke boloke dijo mariha a tlang.'

Kokonyana ya bona hore tsie e ithutile, ya ba e e arolela dijo tsa yona.

MOSEBETSI

Phoofolo ka nngwe ile ya lokisetsa mariha jwang?
Bapisa setshwantsho le polelo e nepahetseng.

1.



A ya bokella dikokonyana

2.



B ya bokella diboko

3.



C ya se bokelle

4




D ya bokella poone

5.



E ya bokella ditholwana le dithootse



Dibuka tsa **Vula Bula** di ikgethile mme buka ka nngwe e hlaha dipuong tsa Afrika Borwa tsa setso, hape e akantswe ho latela tswelopele ya tlhaho le ditlhoko tse itseng tsa dithuto tsa puo eo.



Kgato ya ★ (8)

Jo!
Rala o sehe
Bidika
Bala
Baleha!
Robala
Mamela
O se ke!

Kgato ya ★★ (5)

Konomaka
Monehelo
Lehae
Ntate o na le Pule
Seba

Kgato ya ★★★ (8)

Ke la mang lebidi le?
Leeto
Fesetere e thubehile!
Thusa!
O kae Palesa?
Re bapala mokoko
Bohobe bo joweng
Leino

Kgato ya ★★★★★ (5)

Lelapa le reka diaparo
Sehwete se sehlo
Moya le Letsatsi
Bolokela hosane
Takatso tse tharo

Kgato ya ★★★★★ (6)

Sopo ya lejwe
Mmutla le sekolopata
Tau le tweba
Ho baka le nkgono
Toropo ya haeso
Afrika Borwa ya rona

Dibuka tsena di fana ka menyetla e mengata ya ho bala ka sehlopha, ho tataiswa, ho bala ka bobedi le ho bala ka bongwe hore ba utlwisise medumo le mantšwe a sebediswang haholo kapa maano a ho sheba le ho bua. Dipolelo tse bonolo le mantšwe a tlwaelehileng a dumella tswelo pele ya ho bala. Ditšhwants'ho tse bohehang, tse hlakileng di etsa hore ba utlwisise ha bonolo.

SESOTHO